


May kasigurohan ka sa imong kalag. *“Ug ako naghatag ngadto kanila og kinabuhing dayon; ug sila dili na gayud malaglag, ni adunay tawo nga makaagaw kanila gikan sa akong kamot.”* (Juan 10:28)

4 Kinahanglan, karon ang imong desisyon. *“Kay siya nagaingon, Ako nakadungog kanimo diha sa panahon nga gikahinangpan, ug sa adlaw sa kaluwasan ako nagtabang kanimo: tan-awa, karon mao ang panahon nga gikahinangpan; tan-awa, karon mao ang adlaw sa kaluwasan.”* (2 Corinto 6:2)

Higala kinahanglan imo siyang dawaton karon kay basin og ulahi na ang tanan kon ugma pa ikaw modawat kaniya. *“Ayaw pagpagarbo sa imong kaugalingon sa ugma; kay ikaw wala nasayud kon unsa ang madala sa usa ka adlaw.”* (Mga Panultihon 27:1)
Dawata siya aron ikaw maluwas. Ug kon ikaw luwas na, sulati kami aron usab kami makaambit sa imong kalipay.

Kon ikaw nagkinahanglan og dugang kasayuran mahitungod sa Pulong sa Dios, sulati kami sa among address:

(When reading an English Bible, use a KJV. Don't try to use a corrupt version, it will let you down.)



UPAT KA BUTANG NGA KINAHANGLAN

**UPAT (4) KA DAGKU UG
MAHINUNGDANONG MGA
BUTANG NGA KINAHANGLAN
NGA IMONG MAHIBALON**

1 **Ikaw usa ka dakung makasasala.** “Si Jesus miingon ngadto kaniya, Ikaw maghigugma sa Ginoo nga imong Dios uban sa tibuoq nimong kasingkasing, ug uban sa tibuoq nimong kalag, ug uban sa tibuoq nimong hunahuna. Kini mao ang una ug dakung sugo.” (Mat 22:37-38) **Dili ordinaryong makasasala, kon dili usa gayud ikaw ka dakung makasasala kay daku man nga sugo ang imong ginalapas.**

Dili ka makalimod ug makapangulipas. “Kon kita mag-ingon nga kita walay sala, kita naglimbong sa atong mga kaugalingon, ug ang kamatuoran wala dinhi kanato.” (1 Juan 1:8) “Kon kita mag-ingon nga kita wala nakasala, kita naghimo kaniya nga usa ka bakakon, ug ang iyang pulong wala dinhi kanato.” (1 Juan 1:10)

Kinahanglan kang silotan - “Kay ang bayad sa sala mao ang kamatayon...” (Roma 6:23) “Apan ang mga mahadlokon, ug mga dili matinoohon, ug ang mga dulumtanan, ug mga mamumuno, ug mga bigaon, ug mga lumayah, ug mga magsisimba ug diosdios, ug tanan nga mga bakakon, makaangkon sa ilang bahin diha sa linaw nga nagadilaab sa kalayo ug asupre: nga mao ang ikaduha nga kamatayon.” (Pinadayag 21:8)

Dili ka makaluwas sa imong kaugalingon. “Kay kami nga tanan ingon sa usa ka mahugaw nga butang, ug ang tanan namo nga pagkamatarung ingon sa mahugaw nga trapo; ug kaming tanan nangalaya ingon sa usa ka dahon; ug ang among kadautan, sama sa hangin, mipalid kanamo.” (Isaias 64:6)

2 **Ang Dios nahigugma kanimo.** “Apan ang Dios nagapakita sa iyang gugma nganhi kanato, nga, samtang kita mga makasasala pa, si Cristo namatay alang kanato.” (Roma 5:8)

Si Cristo nag matarung mao ang miantos sa silot puli kanimo. “Kay ang Dios nahigugma pag-ayo sa kalibutan, nga siya mihatag sa iyang bugtong gipakatawo nga Anak, aron si bisan kinsa nga nagatoo kaniya dili malaglag, apan adunay kinabuhing walay kataposan.” (Juan 3:16)

3 **Buot ni Cristo makasulod sa imong kasingkasing.** “Tan-awa, ako nagtindog sa pultahan, ug nagtoktok: kon adunay tawo nga makadungog sa akong tingog, ug moabli sa pultahan, ako mosulod ngadto kaniya, ug manihapon uban kaniya, ug siya uban kanako.” (Pinadayag 3:20) **Kon imong ablihan ang imong kasingkasing ug imong dawaton si Cristo nga imong manluluwas:**

Mahimo kang anak sa Dios. “Apan sa kadaghan sa midawat kaniya, kanila siya naghatag sa katungod nga mahimo nga mga anak sa Dios, bisan kanila nga nagtoo sa iyang ngalan.” (Juan 1:12)

Dili ka na hinukman sa silot. “Busa karon wala nay pagkahinukman sa silot ngadto kanila nga anaa ni Cristo Jesus.” (Roma 8:1)

Imong mahibaw-an nga ikaw luwas na. “Kay tungod sa grasya kamo nangaluwas pinaagi sa pagtoo; ug kana dili sa inyong kaugalingon: kini ang gasa sa Dios: Dili sa mga buhat, basin adunay tawo nga magpasigarbo.” (Efeso 2:8-9)